



Broj: 01-04-8-168/23-4  
Datum: 13.3.2023. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14 i 59/22), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-168/23-3 od 10.3.2023. godine, načelnik Općine Travnik, **donosi**

## RJEŠENJE

### o izboru najpovoljnijeg ponuđača

- (1) Najpovoljnija ponuda za javnu nabavku radova: „Izvođenje radova na izgradnji kanalizacionog kolektora drugog gradskog područja općine Travnik“ bez podjele na lotove, je ponuda ponuđača: GPD „Teling“ d.o.o. Travnik sa ponuđenom cijenom kroz sistem e - nabavke u iznosu od 167.500,00 KM bez uračunatog PDV-a.
- (2) Za izvršenje ovog Rješenja i praćenje realizacije ugovora zadužuje se Služba za razvoj privredu i vanprivredu.
- (3) Ovo Rješenje se dostavlja svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama
- (4) Ovo Rješenje objaviće se na internet stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

## O b r a z l o ž e n j e

Postupak javne nabavke radova: „Izvođenje radova na izgradnji kanalizacionog kolektora drugog gradskog područja općine Travnik“, pokrenut je Rješenjem o pokretanju postupka javne nabavke broj: 01-04-8-168/23 od 01.02.2023. Javna nabavka provedena je putem otvorenog postupka nabavke. Procijenjena vrijednost javne nabavke bez uračunatog PDV-a iznosi 222.222,00 KM.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-12-3-12/23 od 1.2.2023. godine i u „Službenom glasniku BiH“ broj 7/23. Rok za dostavljanje ponuda u skladu sa tenderskom dokumentacijom bio je 3.3.2023. godine.

Komisija za javnu nabavku imenovana je Rješenjem broj: 01-30-10-1482/22 od 23.12.2022. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14 i 59/22) izvršila javno otvaranje u roku dostavljenih ponuda. Javnom otvaranju prisustvovali su ovlašteni predstavnici ponuđača: GPD „Teling“ d.o.o. Travnik, ATLAS - D d.o.o. Visoko, „DŽEVKOMERC“ Inžinjering d.o.o. Zavidovići. Zapisnik o otvaranju ponuda ponuđačima je proslijeđeno u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da je ukupno prispjelo 7 (sedam) ponuda;
- Da je blagovremeno zaprimljeno 7 (sedam) ponuda,
- Da su ponude ponuđača: KOMGRAD - ZE d.o.o., GPD „Teling“ d.o.o. Travnik, ATLAS-D d.o.o., „Struktura“ d.o.o., „Ted INVEST“, „DŽEVKOMERC INŽINJERING d.o.o. Zavidovići, prihvatljive.
- Ponuda ponuđača Merkez Oil d.o.o. Novi Travnik je ocijenjena kao neprihvatljiva iz sljedećih razloga:

OB 001

Strana 1 od 3



- a) Ponuda ponuđača „Merkez – Oil“ d.o.o. Novi Travnik je ocijenjena kao neprihvatljiva iz razloga što navedeni ponuđač nije ispunio uslov iz tačke 3.4.1. po a) Tenderske dokumentacije, odnosno nije dokazao uspješno iskustvo u realizaciji 1 (jednog) ili više ugovora s minimalnom vrijednošću u iznosu od 220.000,00 KM zbirno čiji je karakter i kompleksnost isti ili sličan kao u predmetu nabavke u posljednjih 5 (pet) godina računajući od datuma objave obavještenja o nabavci ili od datuma registracije, odnosno početka poslovanja ako je ponuđač registrovan, odnosno počeo sa radom prije manje od 5 (pet) godina. **Pod istim ili sličnim ugovorima podrazumijevaju se poslovi na izgradnji i/ili rekonstrukciji i/ili sanaciji vodovoda, kanalizacija i odvodnje.**

Uvidom u spisak izvršenih ugovora (uz potvrde koje je izdala druga ugovorna strana – Općina Travnik) sadržanog u ponudi ponuđača „Merkez – Oil“ d.o.o. Novi Travnik utvrđeno su u istoj navedena dva izvršena ugovora čiji su karakter sličan predmetu nabavke kako slijedi:

1. Izvođenje radova na izgradnji kanalizacije Putičevo – Nova Bila, MZ Dolac u iznosu od 14.486,00 KM,
2. Izvođenje radova na izgradnji kanalizacije Dolac n/L, Novo naselje, općina Travnik u iznosu od 9.997,65 KM - čiji zbirni iznosi ne odgovaraju zahtjevima iz Tenderske dokumentacije.

U spisku izvršenih ugovora dalje su sadržani ugovori koji se odnose na izvođenje radova na sanaciji obalnih zidova, regulacije korita rijeka, čišćenja korita rijeka i jedan ugovor koji se odnosi na izvođenje pripremnih radova na izgradnji proizvodne hale iz čijih sadržina se vidi da se radi o ugovorima koji za predmet imaju izgradnju zaštitnih objekata (nasipi, obaloutvrde itd..) a ne na izgradnju i/ili rekonstrukciju i/ili sanaciju vodovoda, kanalizacija i odvodnje u smislu izgradnje objekata za odvodnjavanje, kanalskih mreža, crpnih postaja za odvodnjavanje i drugih pripadajućih objekata.

Zbog svega gore navedenog Komisija jednoglasnom odlukom ocjenjuje nevaljanim dokaze za ispunjavanje uslova obavljanja profesionalne i tehničke sposobnosti u ovom postupku nabavke, te se ponuda ponuđača „Merkez – Oil“ d.o.o. Novi Travnik odbacuje kao neprihvatljiva u skladu sa članom 68. stav (4) tačka i) Zakona o javnim nabavkama.

Nakon obavljene početne ocjene ponuda, a poštujući tačku 4.16. Tenderske dokumentacije, kojom je predviđeno održavanje e-Aukcije a sve u skladu sa Pravilnikom o uslovima i načinu korištenja e-aukcije ("Službeni glasnik BiH" broj: 66/16), Ugovorni organ je sa kvalifikovanim ponuđačima zakazao e-aukciju na Portalu Javnih nabavki (www.ejn.gov.ba) dana 9.3.2023. godine sa početkom u 9,00 sati.

Nakon provedene e-Aukcije (Izveštaj o toku i završetku e-Aukcije dostaviće se u prilogu ovog Rješenja, Komisija utvrđuje konačnu rang listu ponuđača bez PDV-a kako slijedi:

NAZIV PONUĐAČA	Početna cijena ponude KM	Cijena ponude nakon e – aukcije KM	Postotak umanjenja	RANG
GPD TELING D.O.O. TRAVNIK	219.809,50	167.500,00	23,8%	1
DŽEVKOMERC INŽINJERING D.O.O. ZAVIDOVIĆI	222.187,50	169.500,00	23,71%	2
P.D.KOMGRAD- ZE D.O.O. ZENICA	218.825,50	209.781,00	4,13%	3
ATLAS-D D.O.O. VISOKO	220.198,00	218.000,00	1%	4
STRUKTURA D.O.O JAJCE	221.167,00	221.167,00	0%	5
„TED“ INVEST D.O.O SARAJEVO	221.910,60	221.910,60	0%	6

Komisija za javne nabavke Općine Travnik dostavila je dana 10.3.2023 godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-30-10-1482/22 od 23.12.2022. godine, sa preporukom o izboru najpovoljnijeg ponuđača za predmetnu javnu nabavku. U istom je navedeno da je pregledana i analizirana dokumentacija priložena uz ponudu ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji otvorenog postupka nabavke.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke radova: „Izvođenje radova na izgradnji kanalizacionog kolektora drugog gradskog područja općine“ donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda za nabavku radova određuje ponuda ponuđača

GPD „Teling“ d.o.o. Travnik te da se u skladu sa Članom 69. stav (1) alineja pod a) i članom 70. stav (1) Zakona postupak javne nabavke okonča zaključivanjem ugovora sa najpovoljnijim kvalifikovanim ponuđačem.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispljelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno, bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom i Tenderskom dokumentacijom.

Ugovorni organ će dostaviti prijedlog ugovora onom ponuđaču čija je ponuda na rang listi odmah nakon ponude najuspješnijeg ponuđača u slučaju da je ispunjen neki od uslova iz člana 72. stav (3) Zakona o javnim nabavkama.

#### POUKA O PRAVNOM LIJEKU:

Protiv ovog Rješenja može se izjaviti žalba roku od deset (10) dana Uredu za razmatranje žalbi putem ugovornog organa, na adresu: Općina Travnik, ul. Konatur bb, 72270 Travnik. Žalba se podnosi u dovoljnom broju primjeraka, koji ne može biti manji od tri. U skladu sa članom 108. Zakona o javnim nabavkama podnosilac žalbe je obavezan platiti naknadu za pokretanje žalbenog postupka. Uplata naknade vrši se u skladu sa Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. ZJN ("Službeni glasnik BiH" broj 86/14).

Obradila: Aida Kavazović, dipl.iur.

#### DOSTAVITI:

1. Ponuđačima
2. Internet stranica UO
3. Arhiva

**N A Č E L N I K**

**dr.sci. Kenan Dautović**

